

Nuummi kaajallattarissat taaguusersornissaat.

Nuummi kaajallattarissat taaguusersornissaannut innuttaasut taasititsineq.

Aalajangiiffigisassaq

J.nr.: 23.02.03

Suliffeqarfimmut Kiffartuussineq – Pisortaaneq Lars Møller-Sørensen / LMS

Suliassamik eqikkaaneq

Kommunimi kaajallattarissat taaguusersorneqarnissaannut siunnersuut pillugu 2015-imi apriliip ulluisa arfineq-aappaanni kommunalbestyrelsimut ilaasortaq Uju Petersen siunnersuummik nassiussaqqarpoq.

Kommunalbestyrelsip suliaq 2015-imi apriliip ulluisa 28-anni oqaluuseraa Uju Petersenillu siunnersuutaa akuersissutigalugu ima oqaasertalerlugu, suliame innuttaasunik peqataatitsisoqassasoq.

Nuummi kaajallattarissat taaguusersornissaannut innuttaasunik taasititsineq piffissami 26.09.18-imiit 10.10.18-ip tungaanut Sumiiffinnik Aqquserngillu Taaguutaannik Siunnersuisoqatigiinnit ingerlanneqqarpoq.

Kaajallattarissat taaguusersornissaannut innuttaasunik taasititsinerup aamma Sumiiffinnik Aqquserngillu Taaguutaannik Siunnersuisoqatigiit siunnersuutaasa kinguneranik aalajangiussassatut siunnersuut suliamek saqqummiussinermi matumani innersuunneqqarpoq. Innuttaasut amerlanerit taasinerminni isumaqqarput kaajallattarissat sumiissusaat apequtaatillugit taaguuserneqqartariaqartut, taassuma saniatigut Sumiiffinnik Aqquserngillu Taaguutaannik Siunnersuisoqatigiit isumaqqarput *Kaajallattariaq* atortariaqartoq, *Nerngallak* pinnagu, aammalu illoqqarfimmi kaajallattarissat 12-nit 11-t atissaannik siunnersuuteqqarlutik.

Aningaasaqarnermut Inuussutissarsiornermullu Ataatsimiititap 2018-imi novembarip ulluisa 8-ianni ataatsimiinnermini suliaq akuersissutigivaa Kommunalborgbestyrelsimullu inaarutaasumik akuersissutigisassanngorlugu ingerlatseqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalborgbestyrelsimut inassuteqaatigaa:

- Taaguutissatut siunnersuutigineqartut akuersissutigineqassasut

Suliassamik saqqummiussineq

Kommunimi kaajallattarissat taaguusersorneqarnissaannut siunnersuut pillugu 2015-imi apriliip ulluisa arfineq-aappaanni kommunalbestyrelsimut ilaasortaq Uju Petersen siunnersuummik nassiussaqqarpoq.

Kommunalbestyrelsip suliaq 2015-imi apriliip ulluisa 28-anni oqaluuseraa Uju Petersenillu siunnersuutaa akuersissutigalugu ima oqaasertalerlugu, suliame innuttaasunik peqataatitsisoqassasoq.

Nuummi kaajallattarissat taaguusersornissaannut innuttaasunik taasititsineq piffissami 26.09.18-imiit 10.10.18-ip tungaanut Sumiiffinnik Aqquserngillu Taaguutaannik Siunnersuisoqatigiinnit ingerlanneqqarpoq. Siunnersuummut taasinermi aamma ammasumik akissuteqarnissamut periarfissinneqqarnermi akissutaasinnaasut pingasuutinneqqarput:

- Oqaasitoqqat (*Uju Petersenip siunnersuutaa malillugu*)
- Kaajallattarissat inissisimaffii
- Kalaallit Nunaanni uumasut
- Siunnersuuteqarnissamut ammasumik akissuteqarnissamut periarfissaq

Kommuneqarfik Sermersuup Isumaga App atorlugu inuit katillugit 27-t taasinermi peqataapput. Taasinermi inernerit ima isikkoqarput:

- Oqaasitoqqat 22 %
- Kaajallattarissat inissisimaffii 41 %
- Kalaallit Nunaanni uumasut 7 %
- Siunnersuuteqarnissamut ammasumik akissuteqarnissamut periarfissaq 30 % (*siunnersuut ataani atuarneqarsinnaavoq*)
 - a. Kalaallit sakkui ammalortunik ilusillit malillugit
 - b. Ujaqqat suussusaat malillugit
 - c. Oqaluttuat taakkulu taaguutaat malillugit: *Kaassasuk, Sassumap arnaa, Ikusik, Angakkoq Papik...*
 - d. Kalattuut malillugit: *Saqisaaq, Sisamaaq...*
 - e. Kalaallit Nunaanni illoqarfiit malillugit
 - f. *Eqalugaliup Nerngallaa*
 - g. *Kalaaleq tusaamasaaq Amos Egedesvej malillugu*
 - h. *Aqquserngit taaguutissaatut siunnersuut "Aqqusineq Killerpaanut"*

Innuttaasut amerlanerit kissaataat malillugu kaajallattarissat taaguusersorneqassasut Sumiiffinnik Aqquserngillu Taaguutaannik Siunnersuisoqatigiinnit kissaatigineqarpoq aammalu kaajallattarissat inissisimaffii malillugit taaguusersuineri kaajallattarissat sorliit pineqarnersut nalornissutigineqassanngimmat ilaatigut tunngavilersuutigineqarpoq.

Kaajallattarissat Nerngallaanngitsunik Kaajallattarissanik taagorneqarnissaat Sumiiffinnik Aqquserngillu Taaguutaannik Siunnersuisoqatigiinnit pissusissamisoorsorineqarneruvoq illoqarfimmilu kaajallattarissat aqqaneq-marluusut akornanni aqqanillit ima taaguuserneqassasut siunnersuutigalugu:

1. *Fiskerbyp Kajallattariaa*
2. *Issortarfiup Kajallattariaa*
3. *Qernertunnguit Kajallattariaat*
4. *Akunnerit Kajallattariaat*
5. *Eqalugalinnugit Kajallattariaat*
6. *Sarfaarsuit Kajallattariaat*
7. *Pukuffiup Kajallattariaa*
8. *Qarsup Kajallattariaa*
9. *Pisissip Kajallattariaa*
10. *Naternap Kajallattariaa*
11. *Suloqqap Kajallattariaa*
12. *Aqquserngit tamarmiusut atsersorneqareerpata atserneqarumaarpoq*

Inatsisitigut tunngavissaq allakkallu tunngaviusumik uppernarsaatitallit

- Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq.

Ingerlariaqqinnissaq

Kommunalbestyrelsip aalajangiinera Siunnersuisoqatigiinnut nalunaarutigineqarumaarpoq, taamatutaaq Sanarfinermut Avatangiisinullu Ingerlatsivimmut.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Taaguutit nutaat kommunip nittartagaanut saqqummiunneqarumaarput.

Ingerlatsivinnit allanit oqaaseqaatit

Oqaaseqaateqartoqanngilaq.

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap aalajangernera 8. novembari 2018-imeersoq:

Inassuteqaatit akuersissutigineqarput.

Ilanngussat

1. Nunap assinga, kaajallattarissat taaguusersornissaannut siunnersuut